

Sarajevo , 23.09.2022.godine

Na osnovu člana 28. Statuta UDRUŽENJA ZA TERAPIJU BOLA BOSNE I HERCEGOVINE, Skupština UDRUŽENJA ZA TERAPIJU BOLA BOSNE I HERCEGOVINE na 2. Izorno - izvještajnoj sjednici održanoj, 23.09.2022.godine. godine donosi

P O S L O V N I K
o radu Skupštine UDRUŽENJA ZA TERAPIJU BOLA BOSNE I HERCEGOVINE

Član 1.

Ovim Poslovnikom se utvrđuje način rada i odlučivanja u Skupštini UDRUŽENJA ZA TERAPIJU BOLA BOSNE I HERCEGOVINE (u daljem tekstu: Skupština).

Skupština obavlja poslove iz svog djelokruga i donosi odluke odnosno zaključke na način i po postupku koji su utvrđeni Statutom UDRUŽENJA ZA TERAPIJU BOLA BOSNE I HERCEGOVINE.

Član 2.

Rad Skupštine je javan. Skupština radi i donosi odluke i zaključke na sjednicama.

Član 3.

Skupštinu čine svi članovi UDRUŽENJA ZA TERAPIJU BOLA BOSNE I HERCEGOVINE

Član 4.

Sjednicu Skupštine saziva predsjednik Skupštine UDRUŽENJA ZA TERAPIJU BOLA BOSNE I HERCEGOVINE, na osnovu odluke Upravnog odbora.

Član 5.

Sjednica Skupštine se saziva najmanje 14 dana prije njenog održavanja.

Uz poziv za sjednicu dostavlja se i pisani materijali, koji su predmet razmatranja te sjednice.

Poziv za sjednicu dostavlja se svim članovima , a po potrebi njenim organima i jednom broju gostiju iz organizacija i institucija sa kojima UDRUŽENJE ZA TERAPIJU BOLA BOSNE I HERCEGOVINE ostvaruje saradnju. Sjednica Skupštine UDRUŽENJA ZA TERAPIJU BOLA BOSNE I HERCEGOVINE može se održati i online.

Član 6.

Radom Skupštine rukovodi Predsjednik Skupštine.

Izuzetno, u slučaju odsutnosti predsjednika, radom Skupštine rukovodi potpredsjednik ili član Upravnog odbora koga ovlasti Skupština.

Član 7.

Skupština na prijedlog predsjedavajućeg, utvrđuje dnevni red i bira radna tijela Skupštine, a po podnesenom izvještaju verifikacione komisije, razmatra pitanja po redosljedu utvrđenog dnevnog reda.

Član 8.

Član može, na sjednici Skupštine, predložiti da se u dnevni red sjednice uvede određeno pitanje za koje je dužan dati obrazloženje o hitnosti njegovog rješavanja.

Član 9.

Verifikaciju mandata članova Skupštine i legalitet njenog rada utvrđuje verifikaciona komisija od tri člana koju, Skupština imenuje pred početak rada. Verifikaciona komisija evidentira prisustvo članova i gostiju.

Član 10.

U slučaju potrebe da se izvrši potrebna provjera, Skupština može donjeti odluku o odlaganju verifikacije mandata pojedinih članova.

Odluka se može odložiti najkasnije do slijedeće sjednice Skupštine.

Član, za koga je donesena odluka o odlaganju verifikacije mandata, može prisustvovati sjednici Skupštine bez prava odlučivanja.

Član 11.

Da bi sjednica Skupštine mogla punopravno da radi i da donosi pravosnažne odluke, njoj treba da prisustvuje više od polovine ukupnog broja članova. Ako na zakazanu sjednicu Skupštine ne pristupi više od polovine ukupnog broja članova Udruženja, po isteku jednog sata od vremena određenog za početak rada Skupštine, Skupština može punovažno odlučivati ako je prisutna najmanje jedna četvrtina od ukupnog broja članova Udruženja.

Član 12.

Nakon utvrđenog dnevnog reda, Skupština odlučuje da li se pojedini dostavljeni materijali čitaju ili ne, te nakon izlaganja izvjestioca po pojedinim pitanjima, predsjedavajući otvara raspravu i daje riječ redosljedom prijavljivanja za raspravu.

Predsjedavajući usmjerava učesnike u raspravi na pitanje dnevnog reda koje se razmatra i u slučaju tri uzastopne opomene, može oduzeti riječ diskutantu.

Trajanje diskusije učesnika u raspravi po jednom pitanju može da se ograniči do 10 minuta i repliku od 2 minute. Ovo vrijeme učesnik u raspravi može koristiti u najviše dva javljanja za riječ. Članu, koji želi govoriti o povredi poslovnika ili nepridržavanja dnevnog reda, predsjedavajući daje riječ čim je ovaj zatraži. Poslije iznesenog prigovora predsjedavajući daje obrazloženje i dalje usmjevara rad Skupštine. Ako član

traži riječ radi ispravke navoda koji je netačno izložen i koji može biti povod nesporazuma ili traži potrebu objašnjenja, predsjedavajući će mu dati riječ čim završi govor onog koji je izazvao tu potrebu.

Član 13.

Predsjedavajući Skupštine zaključuje raspravu po pojedinim pitanjima dnevnog reda kada utvrdi da nema više prijavljenih govornika i predlaže zaključke po toj tački.

Skupština odluke, po pravilu donosi nadpolovičnom većinom glasova prisutnih članova.

Statut UDRUŽENJA ZA TERAPIJU BOLA BOSNE I HERCEGOVINE i njegove izmjene razmatra i usvaja Skupština uz prisustvo najmanje 1/2 članova Skupštine, a Statut je usvojen ako se potvrdno izjasne najmanje 1/2 prisutnih članova.

Ako se za prijedlog Statuta ili njegovih izmjena ne izjasni dovoljan broj članova, glasanje se ponavlja. Ako se i pri novom glasanju prijedlog ne prihvati, prijedlog Statuta se skida sa dnevnog reda.

Član 14.

Na sjednicama Skupštine glasanje se, po pravilu, vrši aklamacijom – dizanjem ruke.

Izuzetak čine odluke, za čije donošenje je utvrđeno tajno izjašnjavanje.

Ako predsjedavajući ocjeni potrebnim, radi otklanjanja sumnje u tačnost rezultata glasanja, glasanje može da se vrši poimenično.

Glasanje dizanjem ruke članovi vrše tako što se na poziv predsjedavajućeg istovremeno izjašnjavaju koje “za”, ko je “protiv” prijedloga i ko je “suzdržan”.

Po završetku glasanja, predsjedavajući utvrđuje i objavljuje rezultate glasanja, kao i da li je prijedlog o kojem se glasalo prihvaćen ili odbačen.

Član 15.

Na prijedlog Komisije za statutarna i kadrovska pitanja UDRUŽENJA ZA TERAPIJU BOLA BOSNE I HERCEGOVINE Sarajevo, Upravno odbor Skupštini podnosi prijedlog za izbore:

- Predsjednik i podpredsjednik Skupštine
- Članovi Upravnog odbora
- Predsjednika Upravnog odbora, koji je prema Statutu predstavlja UDRUŽENJE ZA TERAPIJU BOLA BOSNE I HERCEGOVINE
- Zamjenik predsjednika Upravnog odbora,
Predsjedavajući prijedloge stavlja na glasanje.
Glasanje se vrši aklamacijom, a odluka o izboru donosi prostom većinom.

Član 16.

- Izborom predsjednika i podpredsjednika Skupštine, članova Upravnog odbora, Predsjednika Upravnog odbora, , završeno je konstituisanje Skupštine UDRUŽENJE ZA TERAPIJU BOLA BOSNE I HERCEGOVINE.

Član 17.

Na sjednici Skupštine vodi se zapisnik koji sadrži:

- * redni broj sjednice
- * vrijeme održavanja
- * imena i prezimena prisutnih
- * prezime i ime predsjedavajućeg i zapisničara
- * dnevni red
- * radna tijela Skupštine
- * učesnike u raspravi po pojedinim tačkama dnevnog reda
- * odluke i zaključke po pojedinim tačkama dnevnog reda

Član 18.

Odluke i zaključci moraju biti sastavljeni tako da budu jasno izraženo šta je odlučeno i zaključeno, ko ih treba izvršiti, na koji način i u kojem roku.

Ako se radi o složenijim odlukama ili zaključcima, za njihovu formulaciju se može formirati posebna komisija.

Član 19.

Kad dnevni red bude iscrpljen, predsjedavajući Skupštine objavljuje da je sjednica završena, nakon čega se nastavlja nezvanični dio sjednice po posebnom protokolu, ako ga ima.

Član 20.

Dokumenta koja donosi Skupština potpisuje predsjednik Skupštine.

Član 21.

Na sva pitanja, koja nisu regulisana ovim Poslovnikom, primjenjuju se odredbe Statuta UDRUŽENJE ZA TERAPIJU BOLA BOSNE I HERCEGOVINE.

Član 22.

Tumačenje Poslovnika daje Upravni odbor i komisija za statutarna i kadrovska pitanja.

Član 23.

Izmjene i dopune Poslovnika vrše se na način i po postupku za njegovo donošenje

Član 24.

Poslovnik stupa na snagu danom usvajanja na sjednici Skupštine UDRUŽENJE ZA TERAPIJU BOLA BOSNE I HERCEGOVINE.

PREDSJEDNIK SKUPŠTINE UDRUŽENJA

Dr. Eldina Jugo-Arslanagić